

館陶縣志卷之八

祀典志

壇壝

祠廟

稽虞書肆類望山川而徧羣神天子且然矧其下乎社稷屬生靈所係山川能出雲施雨膏澤萬類是用俎豆煌煌乎鉅典已

夫子廟堂巍峩冠羣祀馨香寓內者歷幾千百年規則詳且備至城池水火諸神有默佑之說余取其大者載於編而祝釐賽禳之文無取焉吏有善績民樂祀者附錄之昭遺愛也志祀典

館陶縣志

卷之八

祀典

一

利

壇壝

社稷壇 在城西春秋仲月上戊日祭知縣奉祀牲

帛祝號俱如 令甲

風雲雷雨山川壇 在城南春秋仲月上巳日祭以

城隍附知縣奉祀如社稷禮

邑厲壇 在城北每歲清明中元下元三日祭先期

移文城隍主壇知縣奉社

祠廟

文廟 在城治東南規制詳見學校正殿祀先師孔

子兩序列四配十哲兩廡祀七十二子及諸先儒
歲春秋仲月上丁日致祭知縣奉祀佐幕教官陪
祭分獻牲帛如制

舊志祭器簋簠八百一十箇 磁羹碗三箇

磁爵五箇 磁香爐四十五箇 白磁盆四箇

磁酒海四箇 錫羹碗一箇 白酒鐘一百箇

錫爵五十五箇 木燭臺三十對 鐵香爐三箇

考祭器今僅存十之二三謹照舊數備錄俾後之
增置者有所考云

館陶縣志

卷之八

祀典

二

利

啟聖祠 在廟西南隅凡祭先師前期行禮如制

名宦祠 在戟門左祀隋劉仁恩魏德深宋劉筠宗

澤元溫仲謙李藻沈瑀張之綱明教諭李伸

鄉賢祠 在戟門右祀魏王榮世宋張瑀王沿王鼎明

孫文義郎俛陳占劉衡武肅郭良耿明姚鉉

城隍廟 在縣治西北有門廊正殿寢宮又官廳在

寢宮東齋房在寢宮西明天順閔知縣唐禎建宰

牲房在二門外西起敬坊在二門外階上萬 二

年知縣李冲奎重修萬 二十年邑民樊希進李

世周繼後又有秦士進高遷捐資修之

國朝順治七年李嘉春樊得仁等倡衆丹堊煥然改觀每月朔望日知縣執香帛謁拜神前

八蜡廟 在北門外久湮

明孝宗登極之後令所在長吏羊一豕一于春秋二仲月致祭遂爲永例亦通祀也但古者于年終百穀告成之後歲正一行今擬于冬季月上戊日一祭

考伊耆氏始爲蜡蜡者索也歲十二月合祭萬物

館陶縣志

卷之八

祀典

三

利

而索饗之也禮祀郊特牲曰天子大蜡八鄭康成曰八蜡一曰先嗇二曰司嗇三曰農四曰郵表畷五曰貓虎六曰坊七曰水庸八曰昆蟲

馬神廟 在縣治東北隅每春秋仲月上戊日行祭禮

龍王廟 在北門外西有殿有門

孚應通利王廟 在城西二里今爲河所湮有碑文

通志

火神廟 在西門內街北

關帝廟 在縣十字街北創始無攷明正德八年重修坊一座楊師震建後基地一段東瓦房三間草房一座門面房一間半山西洪洞舉人李茂實順治三年捐以供香火

東嶽天齊廟 在城東門外石坊一座郭良建

三官廟 在北門內街西知縣章元衡有記樊自新率衆重修

真武廟 一在城西一在北門外明萬 辛亥邑民高思孝等建

館陶縣志

卷之八

祀廟

四

利

國朝康熙 年邑人高選重修

碧霞元君祠 在東嶽廟東明萬 二年建

附

晉公祠 在南館陶渡口西公諱調元入名宦

程公祠 在縣後察西公諱瑾入名宦

舊有吳公祠在縣治西公諱俊范公祠在程公祠旁公諱景文吳橋人進士司李東郡歷仕至內閣大學士張公祠在范公祠西公諱星三祠今俱廢

續祀典

聖祀

大成殿祭

至聖先師孔子東配復聖顏子述聖子思子西配宗
聖曾子亞聖孟子東哲閔子損冉子雍端木賜仲
子由卜子商朱子熹西哲冉子耕宰子予冉子求
言子偃顓孫子師東廡先賢澹臺子滅明等三十
一位先儒穀梁子赤等十七位西廡先賢宓子不
齊等三十一位先儒左子邱明等十六位縣有司

館陶縣志

卷之八

續祀典

五

利

歲以仲春仲秋上丁日釋奠屆期先三齋戒先一
日率佐貳官學官詣省牲所行省牲禮齋宿學宮
厥明學官率闔學諸生各執其事陳設酒尊先師
一四配一十哲一爵先師四配各位各三十哲兩
廡每位各一登先師一盛太羹鉶先師四配各二
十哲各一盛和羹籩與豆先師各八籩盛形鹽藁
魚棗榛芡菱鹿脯豆盛菹韭菁芹笋醢醢鹿兔魚
四配每位籩豆各六盛如先師籩去榛芡菹豆去
韭醢醢十哲每位兩廡每位每四位籩豆各四盛

如四配籩去魚菱菹豆去笋醢魚簠與簋先師各
二簠盛黍稷簋盛稻粱四配十哲每位兩廡每四
位各一簠盛黍簋盛稷供籩左豆右篚先師四配
每位十哲每五位兩廡每廡各一每篚盛帛一段
白色長一丈八尺其用帛九段牲先師羊豕各一
匣二盛置四配其羊豕各一各分爲四木盤四盛
置十哲每五位豕一分爲五兩廡每廡豕一昭位
分爲段盛俱用木盤每祭用牲羊二豕六鹿一兔
九其樂舞各止六佾陳設畢樂舞生就班嚴祭鼓

館陶縣志

卷之八

續祀典

六

利

獻官陪祭官分獻官各就位執事捧毛血盤瘞於
坎遂啟牲匣蓋行迎神禮樂生舉麾唱樂奏咸和
之曲獻官及陪祭官俱行拜禮畢樂止奠帛行初
獻禮捧帛者各捧帛執爵者各執爵獻官詣盥洗
所盥訖再詣酒尊所司尊者舉幕酌酒執事者各
以爵受酒同捧帛者在獻官前分兩行由中門入
向上立餘四爵四帛入序於神案之前獻官從左
門入詣至聖先師神位前樂生舉麾唱樂奏寧和
之曲獻官神位前跪捧帛者西向跪進於獻官右

獻官受帛捧獻訖授執帛者執帛者跪接奠於神前案上執爵者西向跪進爵於獻官右獻官受爵捧獻訖授執爵者執爵者跪接奠於神前案上獻官俯伏與平身詣讀祝位讀祝者跪取祝文退立於獻官之左獻官以下皆跪樂止讀祝者跪讀祝文訖仍置香案上退立復奏前未終之樂奏訖獻官以下俯伏與平身詣復聖顏子神位前獻官奠帛獻爵俯伏與平身俱如先師儀次詣宗聖曾子述聖子思亞聖孟子神位前俱如復聖儀此時分

館陶縣志

卷之八

續祀典

七

利

獻官於兩哲兩廡一同行禮俱如前儀獻官由右門出復原拜位分獻官同樂止行亞獻禮儀同初獻惟少奠帛讀祝樂生舉麾唱樂奏安和之曲獻訖復位樂止行終獻禮儀同亞獻樂生舉麾唱樂奏景和之曲獻訖復位樂止飲福受胙獻官詣飲福受胙位捧福酒者跪進獻官右獻官受酒飲訖捧福酒者接盞捧福胙者跪進獻官右獻官受胙訖捧福胙者接胙由中門捧出獻官以下俯伏與平身復原拜位行再拜禮畢徹饌樂生舉麾唱樂

奏咸和之曲執事各於神位前將案上籩豆 移
執事者回原位行送神禮前樂已止樂生舉麾唱
樂奏咸和之曲獻官以下行拜禮畢樂止讀祝者
捧祝進帛者捧帛由中門出其餘以次由左右出
分行獻官以下同詣望瘞所焚祝帛訖復原拜位
各一揖而退

啟聖祠雍正元年奉

旨改爲崇聖祠追封五代加木金父公爲肇聖王祈
父公爲裕聖王防叔公爲詒聖王伯夏公爲昌聖

館陶縣志

卷之八

續祀典

八

利

王叔梁公爲啟聖王東配顏氏無繇孔氏鯉西配
曾氏黜孟孫氏東廡周輔成程珦蔡元定西廡張
廸朱松

名宦祠添祀李公鈞侯公居廣蔡公琦宋公廣業
朱公廷楨韓公高任公塾徐公炯楊公朝楨趙公
申季王公用霖程公瑾錢公鑽

鄉賢祠添祀耿公如杞耿公章光姚公運熙耿公
願魯

漳神廟在城西南四十里雍正四年奉

旨勅封爲惠濟漳河之神知縣趙知希設立牌位懸掛匾額每年春秋致祭行禮如制

關帝加封三代添啟聖歲祭三次

先農每歲仲春上亥日如社祭壇儀行籍田禮

忠義祠每歲春秋兩祀祭忠孝節義之人雍正四年始

節孝祠每歲春秋兩祀祭烈女貞婦雍正四年始

館陶縣志

卷之八

續祀典

九

利

終